



Diario



pa Aruba



No. 4101

Anja 23

DIA LUNA 31 JULI 1961

Apuntes editorial:

## P'ADILANTI OF P'ATRAS

Majan a otro majan ta dianan importante pa Aruba. Si tur biaha t'asina, cu decisionnan grandi tocante e futuro di Aruba ta ser tuma door di Eilandsraad, awar un decision grandi a ser poni den man di un grupo di trahadornan di Lago.

Chofernan di grua, damanan di oficina, trahadornan riba dak y rumannan for di den hospital mojan y otro majan la mester tuma un decision, cual tin di haber estrechamente cu e futuro di Aruba.

Despues di un periodo largo di intranquilidad di trabao, cual tabata e consecuencia di e hecha, cu dos organizacion a bini padilanti como luchadornan pa e interesnan di e trahador di Lago, awor tin cu dicidi, cual organizacion lo bira e portavoz oficial di e empleadonan di Lago. E decision cu cai diarazon onochi, lo ta esun definitivo, como cu P.W.F.A. a priminti cu, en casa cu e federacion aki perde e eleccionnan, la e conseha su miembronan pa uni nan mes na e majoria, y mag worde spera cu I.O.W.U.A. lo haci e mesun cos. Un „bai beck" pues, lo tin pronto mas.

Cu e futuro di Aruba ta en relashon estrecho cu e resultado di e eleccionnan ja nos a jega di comenta ariba caba. E cantidad di trahadornan den servicio di Lago frecuentemente ta bira mas chikito, mientras cu e poblacion di e isla aki cada vez ta bira mas grandi. Pa combati e desempleo cu intranquilamente ta aumentando, mester busca otro fuentenan di progreso otro industrianan, cu por duna trabao na docenas, cientos o miles di hende.

Mester busca companianan o particularnan for di den exterior, kendenan cu nan placa lo kier pone industrianan nobo na Aruba. Si Aruba ta un luqa na unda empleadonan semper to traha frankil y no to crea desorden o to pone trabao un banda, anto e chens ta grandi, cu nan lo por interes inversionistanan na bini Aruba. Pero si e isla aki ta un luqa no unda trahadornan frecuentemente ta intranquil y cu semper tin e riesgo, cu e operacionnan di fabrica no por continua a consecuencia di welgonon entré e trahadornan y cosnan por estilo, anto e chens to chikito.

Manera cu sr. J. V. Friel  
Siga lesa riba pag. 2

## Eleccionnan di Lago

# Robert F. Goss: „Mi ta quere den victoria di P.W.F.A. cu 80% di trahadornan"

President Vlaun a menciona algun di e plannan grandi pa despues di eleccion

**SAN NICOLAS** — Na vispera di e tan camenta eleccion di representacion venidera, majan dia 1 y otro majan dia 2 di agosto venidera den refineria Lago, e Petroleum Workers Federation of Aruba a tene diabiernes ultimo un anochi cu prensa local. Den presencia di e.o. e representante internacional di I.F.P.W. sr. Robert Goss y varias miembro di directiva, a ser informa algun di e hapi plannan cu PWFA tin pa realiza, si e victoria den e eleccionnan venidero ta ca na nan banda. Sinembargo tanto PWFA como sr. Goss ta convincentemente sigur di esaki, maske ta cu cincuenta por ciento plus uno.

Robert Goss papiando riba e eleccionnan cu ta cuminsa exactamente majan ta spera sinceramente cu PWFA lo gana. „Mi ta kere cu algun tin di lamenta para contra Lago. Y no pa tene miedo di dje", el a bisa. E Mericano aki cu su mas di diez aña den e movimiento petrolero ta considera e decision cu e trahadornan tin di haci den e dos dianan venidero di gran importancia. E hecho cu e federacion di trahadornan petrolero di Aruba ta internacionalmente afilia sr. Goss a expresa cu no mester mira esaki como algo malo. El a trece padilanti cu organizacionnan manera p.e. Lions Club, Rotary Club y e Toastmaster tambe ta internacionalmente relaciona y toh nan ta haecendo papelnan importante pa e comunidad den cual nan ta opera. Pakiko PWFA no por? Asina e oficial haltu a puntra. „Nos ta bini den un mundo chikito y mester di e cooperacion di otro. Lo ta bon pa e pueblo di Merca conoce mas di Aruba y di otro banda tambe ta bon pa na Aruba nan tende mas di Merca".

**Victoria sigur**  
Puntando sr. Goss kende a jega diarazon ultimo y lo keda aki te despues di e eleccionnan pa sigi cada paso cu atencion su opinion tocante e resultado final di e eleccion el a bisa cu e victoria lo ta di PWFA y e ta kere cu e federacion aki lo hanja alrededor di 80% di e trahadornan su tras. „Pero si nos hanja cincuenta por ciento plus uno mes nos lo ta satisfecho".

Impresiona pa e palabranan di Robert Goss nos a „switch over" pa e presidente di PWFA sr. Rosendo Vlaun, informando cu si PWFA sali victorioso cual lo ta nan programa na beneficio di e trahadornan. E presidente a informa cu ante todo un reunion general lo mester jama despues di eleccionnan pa tende e deseo di majoria di e miembronan ya cu directiva no ta tuma decisionnan sin consulta cu e miembronan. For di awor caba sinembargo mi por menciona algun di e plannan riba cualnan nos a cuminsa traha caba, segun sr. Vlaun.

**E programa**  
Sr. Vlaun a haci mencio di un „housing program". Esaki ta contene cu PWFA lo traha propio casnan na e sitio cu e trahadornan ta desea. E trahadornan cu lo bin bini den e casnan tin cu paga huur tur luna (p.e. fls. 60.— o fls. 65.— segun e presidente) y ora cu despues di tanto anja nan a paga na huur e sma cu e cas a costa, anto e cas lo bira propiedad di e trahador cu ta bini aden. Un otro punto riba e programa po-

gobierno pa papia tocante eventual modificacion di algun leyman social bicu cu ta inactivo. Tambe e aumento di prijsnan riba mercaderianan PWFA tin na memoria. Nan lo lucha pa prijsnan razonable worde cobra pa mercaderianan y comestibles, cu por worde paga pa henter e poblacion, y pa stop e hizamento di prijs riba mercaderianan y comestibles asina cu un of otro compania duna aumento, sin cu pensa riba esnan cu tin poco entrada.

## Actividadnan durante 6 anjanan

Presidente Vlaun a conta tambe di e actividadnan cu PWFA tabatin den su seis anjanan di existencia desde cu el a worde funda na 1954 bao di presidencia di Nencio Kock, kende te ainda ta cu e Federacion. E siguiente presidente (1955—1959) tabata Felix Ras y for di 1959 te cu awor ta sr. Vlaun mes ta presidente. Un serie di seminario a ser atendi pa miembronan directiva di PWFA den e seis anjanan cu a pasa na Canada, na Colombia, Grenada, Corsow, Tunis y por ultimo anja pasa na Brasil, na unda e secretario general John Hart a asisti na e „Leadership for Trade Unions".

E actividadnan di PWFA mas tanto ta basa riba e educacion di lidernan (representantenan di plant) den actividadnan di Union y tambe den actividadnan di comunidad pa promove entretenimientonan social y legislativo. El a menciona com PWFA den anjanan cu a pasa completamente gratuita a asisti e padvinderan, scoolnan comercial, clubnan deportivo. Tambe e diferente contribucion cu PWFA a haci na organizacionnan riba e isla. Tambe na ocasionnan di casamento y ricibimento PWFA tabata pone e club disponibel pa e miembronan y nan conocinan.



**AVERIA RIBA CANAL DI NOORDZEE.** — Ultimamente canal di Noordzee a bira escena di hopi averia. Asina tambe e warda-costa ingles a ser rasca y considerablemente averia pa un bapor filandes. Nan a lastra e bapor hiba den un haf na Amsterdam unda despues di a baha su corganan, cuminsa cu e trabaoan di drechamentu na su curpa. Riba e portret aqui nos ta mira e danjo haci abordo di „Daniel M"

## DECISION DI A.S.U. POR LO PRONTO SUSPENDI

**ORANJESTAD.** — Afin di compilar cu un suplica di mr. J. Zuur, president di Central Sportadviscomissie pa suprimir resolucion di ASU di dia 31 di Augustus, directiva di ASU a reuni den un reunion particular di directiva diaviesme 28 di juli, a dicidi na suspende resolucion d ASU por lo pronto entrante da 29 di juli.

De la manera anto di ningun manera esaki no ta nifica un suspension definitivo di resolucion di ASU.

Ademas e decision aqui a ser tuma pa ASU su directiva pa deposita confianza den actividadnan di Sportadviscomissie bao di presidencia di mr. Zuur i ademas pa proba un biaha mas e bon voluntad di parti di Aruba cu un completo reorganizacion di deporte riba nivel nacional den Antillas Neerlandes.

## Gran contrabando descubri na Buenos Aires

**BUENOS AIRES 31 juli.** — Polis y autoridadnan di marina na veradero, mas o menos 150 kilometer for di capital di Argentina a descubri un contrabando formal di sigaria. Door di intervencion rapida di polis y douana nan a stroba cu 2600 caha cu sigaria, cu a balor di mas o menos 400.000 dollar a drenta Argentina clandestinamente. Polis a detene cinco auto grandi di carga cu a tuma e caha nan for di e bapor Argentina „Don Felio". Dos otro auto di carga a logra hui. Ora cu polis a detene e cinco otro nan nan a cuminsa tira. Shete persona a keda aresta.

## Arrestacion masal na Tunisia

**TUNESIA 31 juli.** — Segun ta ser anuncia diarazon ciferente figuranan dirigente na Tunisia, di partido comunista a ser aresta pa motubunan di seguridad.

## A muri na edad di 121 anja

**BUENOS AIRES 31 juli.** — Den un ciudad den vecindario di Buenos Aires senjora Froilana Diaz Amaya a muri na edad di 121 anja. Ainda nunca a socede na Argentina cu un hende a logra un edad asina altu, esta pa tar leu cu ta conoci. E defunto a nace dea proveniencia cordoba dia 11 di augustus 1839.

## Nan a tira un bom den edificio na Caracas

**CARACAS 31 juli.** — Den centro di capital Venezolano, Caracas, nan a benta un bom den un edificio cu nan tabata traha. No tabatin victima pero e danjo material si ta considerable.

**F A Y U M — Tel.: 1845**  
pa tur bo aseguranon

# TRAHADORNAN DI ARUBA

Nos ta suplica bo pa apoya  
**FEDERACION DI TRAHADORNAN PETROLERO DI ARUBA**  
den e eleccion.

Manera trahadornan y nacionnan liber la mehora continuamente, Aruba y su trahadornan lo progresa cu un organisacion manera P.W.F.A. cu lidernan cu experiencia. Plannan cu P.W.F.A. tin pa trahadornan di Aruba ta hopi y bon.

Ningun otro grupo por iguala e bon trabao cu P.W.F.A. tin pa ehecuta pa e bienestar di trahadornan di Aruba.

Majan ora cu bini mehoramento, y futuro ta bunita nos tur ta orgulloso cu bo a VOTA pa P.W.F.A.!!

Trahadornan di Aruba, acepta nos gradicimento delanta pa bo voto den hokki pa P.W.F.A. y un victoria pa e trahadornan cu ta lucha pa un mejor Aruba cu un economia bon stabilisa

Locual ta bon pa Aruba, ta bon pa empleadonan y pa P.W.F.A.

**BIBA ARUBA....**

**BIBA E TRAHADORNAN DI ARUBA**

**BIBA E FEDERACION DI TRAHADORNAN DI PETROLERO DI ARUBA**

**TUMA PARTI DEN SWEEPSTAKE DI ORANGE CRUSH Y TROPICAL PA 1961...!**  
Pa mas informacion jama 1773 of pasa na Tropical Bottling Co.  
Weststraat, Oranjestad.







# TRAHADORNAN DI LAGO

## ora bo hanja bo kaartji di vota

VOTA  
ASINA

### REPRESENTATION ELECTION BALLOT

August 1 and 2, 1961

Mark „X” in the space beside the name of your choice.

Marca „X” den e figura banda di e nomber di bo preferencia.



Petroleum Workers Federation of Aruba (PWFA)



Independent Oil Worker Union of Aruba (IOWUA)



No Representation

y lo bo tin e garantia cu:

Bo mes la dicide Bo asuntonan;

Bo no por perde loque Bo tin caba y lo Bo hanja mas;

Kingun hefe di afo por existi pa Bo yuda den accionnan contra di Aruba;

Bo la proteha futuro di Aruba y yuda progreso di Aruba;

Bo la castiga esnan cu a pidi Venezuela pa slop petroleo di Aruba;

Bo la vota:

# PRO - ARUBA

# ARUBA JRS. A TENE DAKOTA NA UN EMPATE DI UN GOL

(Di nos redactor deportivo)

Pa promer biaha den e campeonato 1961, e oncena di Los Amarillos de Dakota a baha tereno sin a obtene un victoria. Despues di hunga e promer rond victorioso completamente, den su promer wega di e segundo rond, Dakota a hunga un empate di un gol pa banda cu e equipo di Aruba Jrs. E dakotenjoun a logra mautene nan invicto, pero e biaha aki nan mester a reparti e honor.

Cu rapido y bica combinacionnan den ambos equipo a partido a cuminza. Y e promer 30 minutnan di wega a pasa asina cu e bala bayendo di un banda pa otro sin cu un di e dos golnag ta corre un peligro grandi. E promer momento realmente peligroso a surgi den di 31 minut ora cu Aruba Jrs. a hanta un corner pa cobra. For di ala robes Gochi Brion ta cobra y ta sigi un kopal cu ta dal contra lafa bin back den tereno caminda defenza di Dakota ricibi y domina e situacion.

## VOLLEY NA L.S.P. TA CUMINZA AWE

(Di nos redactor deportivo)

Cu tres partido, uno di cada division, e torneo di volleyball ta cuminza awe noch na Lago Sport Park. E torneo ta wordé hunga den dos clase masculino. A y B. Y uno femenino. E parti femenino ta dividi den dos liga. Lago y Esso.

Den liga Lago ta hunga La Fama, Commandeursbaai Club, Rodan y Rapid White. Den liga Esso ta competi Estrella, Flyers, Rapid Reds, Bonaire y Non Stop.

E division masculino clase A ta consisti di Union Juvenil Noord, Brazil, Flash, Don Bosco, Rapid I y Rapid II. Den clase B ta hunga Rapid, Don Bosco, Giants, Maroon y Amstel.

Awe noch ta hunga pa 7.30 Rapid contra di Don Bosco Giants (clase B); pa 8.30 La Fama contra Commandeursbaai (damas) y pa 9.00 U.J.N. contra Brazil (clase A).

Tambe lo tuma luga awe noch pa 8.15 entrega di e copan na e ganadornan di tennis di e ultimo torneo hunga na Lago Sport Park.

## DON BOSCO A GANA HILTON 7-6

(Di nos redactor deportivo)

Un interesante partido di baseball junior-league tabata esun di diaviani anochi entre Don Bosco y Hilton. Despues cu e muchanan di Chipichipi tabata tin un ventaha di 3-1, e nove na di Buchi Rasmijn a bai ariba cu anotacion di 4-3.

Hilton a responde cu tres carrera mas pa bolbe ariba 6-4. Pero mustando cu nan no a bin stadion cu intencion di bai cu un derrota. Don Bosco ta bolbe cruza home tres biaha mas pa bai y keda adlanti 7-6.

Pitcher ganador tabata R. Jack y perdedor Pedro Richardson. E nove di Don Bosco a anota 7 carrera, conecta tres hit y comete 2 error. Hilton a anota 6 biaha, conecta 5 hit y pifia tres biaha.

Un poco despues e delantero di Aruba Jrs. Chico Rodriguez ta haci un rush y pone fuerte shot. Pero via lata e bala ta sigi out.

Dakota a hanta corner pa cobra, cu sin embargo no a resulta mucho peligroso. Otro biaha oportuno salida di keeper Pupy Diaz ta interepta bon voorzet. Dakotenjo, mientras cu tambe uno diagonal ta wordé kita net na ora for di e delantero Guerrero door di back Ruben Phillips.

Ambos portero, Yubi Richardson di Dakota y Pupy Diaz di Aruba Jrs., e dos mihonan di nos isla, ta haci diferente bunita atrapa.

## Nulfo Steba ta habri e score

Faltando menos cu un minut pa e promer mitad keda completa, volate Waty Vos di Aruba Jrs. ta pifia y luego manda e bala corner. Ariba e corner keeper Pupy Diaz ta sali demasiado sin cu e ta logra hanta e bala cu ta yega riba cabes di e peligroso Nulfo Steba, kende ta kop over di e portero te den gol. Asina Dakota a bai adlanti 1-0.

## Segundo tempo: Aruba Jrs ta empata

Un handsbal den di 5 minut ta wordé cobra door di Gochi Brion varios meter pafor di doelgebied. E bala ta keda mas o menos mei meter for di tera y ta bai den direccion di skina di gol, pero keeper Yubi Richardson ta surgi cu bunita y largo uital mandando e bala corner.

E promer atake Dakotenjo tambe ta trece accion pa keeper Diaz. Voorzet for di ala robes ta yega net cerca Geo Guerrero, kende ta shoot duro. Cu rapido reaccion keeper Diaz ta manda e bala corner.

Combinacionnan di parti di Dakota ta bon forma y ta duna e defenza di Aruba Jrs. hopi trabao. Pero Joy La Rosa y su companjeronan ta defendiendo cu alma y cuerpo pa evita mas gol.

## Sambo ta anota esun di empate

Den di 20 minut despues cu linea delantera di Dakota ta perde e bala, ta wordé haci un pase largo pa Sambo di Aruba Jrs., kende den nos parecer tabata den posicion di ofside. Pero referi Saim Fingal no a fluit y asina Sambo a sigi so cu e bala y su shot den skina ya no por a wordé taha door di keeper Richardson. E partido a empata 1-1.

Pa contene e rapido y bon forma avanzan di e linea di atake Dakotenjo, algun biaha e defenza di Aruba Jrs. ta usa tacticanan menos sportief.

# Agenda

ARUBAANSE COURANT

diariamente cu excepcion di diadomingo

Kita pa: N.V. ARUBAANSE DRUKKERIJ EN UITGEVERIJ EN PUBLICITEITS MIJ. Nieuwstraat 65 - Oranjestad, Aruba N.A.

Subscription / 3.25 paga adelanta Edicion suelta 20 ct.

Telefon: 2116 Redaccion y suscripcion 1118 Directiva y anuncio Directien: hoofdredacteur: D. Wolf

Imprimi na N.V. Drukkerij „De Stad” Edicion suelta obtenible na 30 cent na: Union Store, San Nicolas - Boekhandel Mariska, Oranjestad - y Cabana Shop, Aruba Caribbean Hotel.

## CINE

Diaduna 31 di juli

DE VEEER 8.30 „The Good die young” 18 1. HIALTO 8.00 „Money and Juliette” 11. PRINCIPAL 3.00 „Ade a crooked trail” 18 1. AUBORA — NO TIN CINE

## PARTERA

Zr. Th. E. Gibbs, Wilhelmijnstraat 22, Oranjestad, tel. 1333. Zr. M.E. van der Mark, Rondweg 4, Oranjestad, tel. 1537.

## WIT GELE KRUIS

Oranjestad: Zr. Ewald, San Nicolas: Zr. Perpetua Santa Cruz Zr. Ludovic Hospitaal San Pedro di Verona tel. 2200.

## BOTICA DI WARDA

Oranjestad: BOTICA DEL PUEBLO tel. 1253 San Nicolas: BOTICA CENTRAL tel. 3003

## DOKTERNAN DI WARDA

Oranjestad - Noord: Dr. P.C. Harting, Sta. Cruz - Savanilla, San Nicolas: Dr. M.E. van der Mark, Rondweg 4, Oranjestad, tel. 1537.

## POSTSLUITINGEN

Maandag

Bonaire 9.00; Canal Zone 15.30; Barranquilla 15.30; Costa Rica 15.30; Cuba 9.00; Curacao 9.00; en 16.00; Europa 9.00; en 15.30; Guatemala 15.30; Jamaica 9.00; Mexico 15.30; Miami 9.00; New York 9.00; Nevis 16.00; Panama 15.30; St. Kitts 16.00; St. Maarten 16.00; Caracas enz. 15.30.

## RADIO VICTORIA

Diaduna 31 di juli 1961

11.00 Apertura  
11.15 E Mundo Femenino  
11.30 Melodias di Meridia  
12.00 Ultimas Noticias  
12.15 Musica Sagrada  
12.25 World News  
12.45 Organ Memories  
1.00 Radio Concert Hall  
2.00 The Reading Room  
2.15 Sacred Songs  
2.30 The Quiet Hour  
2.45 Maestros Musicales  
2.15 Cafe con Musica  
3.30 Ecos del Cielo  
4.00 Musica di Bonaire  
4.15 Musica Celestial  
4.30 E hora Adventura  
4.45 Waltznan Favorito  
5.00 La hora Nazarena  
5.15 Palantrana di Bida  
5.30 Interludio Musical  
5.45 Timonieto  
6.00 Ultimas Noticias  
6.15 Bo pregunta Contesta  
6.30 Noticias Hulanides  
6.40 Musica Clasica  
1.15 The Bandstand  
7.30 Cavalcade of America  
8.10 Off the Record  
8.30 Back to the Bible  
9.00 Musical Gems  
9.30 Light and Life Hour  
10.00 World News  
10.15 Hymns that Live  
10.30 Sign Off

## RADIO CARACAS TELEVISION

Lunes 31 de julio 1961

8.55 Patron de Radio Caracas Television  
8.57 Informacion sobre los progr. del dia  
9.00 Documentales  
9.30 Seudoras de luz  
9.45 Cinematograficos  
10.00 El Calendario de mama.  
10.30 Cosas de Mujeres  
11.15 Cortos Cinematograficos  
11.30 La Perfecta Ama de Casa  
12.00 La C.V.I.R.T.V. informa a la Nacion  
12.05 Telenovela de Bida  
12.25 Show de Saume  
1.35 El Imparcial Television  
2.00 Punto y Aparte  
2.30 Club Femenino  
3.00 Estudio de Hector Monteverde  
3.30 Telefantasia  
4.30 Club de los Nietos  
5.30 Cine variedades „Yukery”  
6.00 Show de Renny  
7.15 La novela de las 7.15  
7.30 Papa lo sabe Todo  
8.00 El Observador Creole  
8.15 Su novela Palmolive  
8.30 Esta noche Bida  
9.00 Novela Camay  
9.15 Amador Bendayan en T.V.  
9.30 Persiguiendo el crimen  
10.00 Noche de gala  
11.00 Cine programa  
12.30 Marcha Oficial, Himno Nacional Despedida

## VOZ DI ARUBA

Diaduna 31 di juli 1961

08.00 Apertura  
08.03 Nos oracion di mainta „The Lord's prayer”  
08.04 Thoughts of the day  
08.05 Melodias Matutinas  
08.14 Thoughts of the day  
08.15 Viana Auto Supply Co. brings you „News in English” C. P. J. Celaire  
08.30 Melodias Matutinas  
08.32 Thoughts of the day  
08.33 Viana Auto Supply Co. brings you „News in English” C. P. J. Celaire  
08.45 Ecos Internacionales  
08.49 American Melodies  
09.45 E Orquesta di cine  
10.00 Colgate-Palmolive presenta su novela „La hija del dolor”  
10.30 Programa „Seguridad”  
11.30 Popular American Melodies  
12.00 Muziek uit Nederland  
12.15 Mercurius Trading, Co. biedt U „Nieuws in het Nederlands” o.l.v. Jos v.d. Schoot  
12.30 Selecion musical di meridia  
13.00 Viana Auto Supply Co. ta ofrece „Mundo en marcha” o.l.v. Adrian Arends L.  
13.15 Conjunto y arlistanan Antillana  
13.40 Prologos y Gamble presenta su novela „LA GATA”  
14.00 Revista Musical  
15.00 Complaciendo peticiones di nos oyen tenan na casa  
15.30 Selecion di musica popular  
16.00 „Complacencias”  
16.15 Melodias Amstel  
17.00 Felicitando nos oyentenan  
17.30 Musica varia  
18.00 Alardees Musical  
18.15 Pelrona „La Gata” ta presenta „El Observador”  
18.30 Musica Popular  
18.32 Thoughts of the day  
19.00 Viana Auto Supply Co. brings you „News in English” C. P. J. Celaire  
19.15 Concert of popular instrumental melodies  
19.30 La Esperanza Supermarket ta presenta „Economiza comprando na La Esperanza” o.l.v. A. Croes.  
20.00 Viana Auto Supply ta ofrece „Mundo en marcha”  
20.15 Musica varia  
20.30 Colgate-Palmolive presenta su novela „El Valle de los Lirios”  
21.00 Musica varia  
21.45 Paris star time  
22.00 Sluiting

## RESOLUCION DI A.S.U. TEMPORALMENTE SUSPENDI

(Di nos redactor deportivo)

Di parti di directiva di A.S.U. nos a wordé informa cu durante un reunion extra ordinario di e directiva ev teni diavie me anochi u.p., a wordé dicide di suspender temporalmente e efectividad di e Resolucion di A.S.U. di dia 31 di Augustus 1960. E directiva di A.S.U. a tuma e decision ey riba peticion special di e president di e Sport Advies Comissie Mr. J. Zuur, kende a suplica pa e Resolucion ser anula por completo.

Bao di ningun sentido esaki ta nifica cu e Resolucion di A.S.U. cu esaki a ser anula. Tambe e decision aki a wordé tuma pa demostra confianza den e Sport Adviescommissie bao presidencia di mr. J. Zuur y pa demostra alavez e buena voluntad di parti di Aruba un biaha mas pa yega na un reorganizacion completo y correcto di deporte den Antillas Hulanides.

E suspension temporal aki di parti di directiva di A.S.U. ta nifica cu enuentronan entre miembronan directo of indirecto di A.S.U. y esunnan di N.A.B.L.O. por tuma luga atrobe. E promer luga lo ta casi sigur den futbol perteneciente na e segundo campeonato.

to Antillano di futbol: cual segun anuncia ayer lo cuminza diasabra awor.

Tambe enuentronan di volley cu anja pasa a ser suspendi lo wordé hunga pronto awor.

## EDUCACION PA REFREANAN DI VOLLEYBALL

Diavie me a cuminza den club di YMCA un curso di instruccion pa refrean di Volleyball. Primeramente lo duna ocho anochi teoria, despues lo que a ser sinja mester ser hiba na practica durante un numero di weganan.

Instructor ta Sres Herman Figuieria y Julio Sanjurjo B. Nan ta bolbe reuni Diavie me anochi trobe.

## YMCA SU TORNEO DI SOFTBALL A CUMINZA

Diasabra a cuminza den Lago Sport-park e torneo anual di YMCA softball. Como 11 team ta participa den e torneo aqul. I esenan ta: San Nicolas Pirates, Lucky Stars, Torpedo, Bordo Boys, Three Stones, The Rebels, Chicago Flyers, Little Rock, Oso Grape, Los Angeles, Dodgers, Centro Juvenile y YMCA. E teamnan ta comparti den dos leagues, Antillean League y Caribbean league.

## UN MARINIER A HANJA HOMENAJE

Durante un „alle hens voor de boeg” diasabra u.p. mariniere le klas M. Bouwman a hanta un expresion di satisfaccion entrega na die door di su comandanti, di comandant Zeemachi Nederlandse Antillen. E mariniere Bouwman a ricibi e distincion aqul pa motibu cu na un manera eficiente el a comporta of saferique den su calidad di ziekenverpleger pa ayudo concedi durante e accidente die tiramentu cu mortier na California.



De geur van 'n Ritmeester...

Maar aan de geur alleen hebt u niet veel. 'n Ritmeester moet u roken! Neem 'as zo'n geurige Fiat en u weet wat wij bedoelen!

FIAT 5 stuks f. 1.30

elk Ritmeester merk een meesterwerk



mi a sinti un gana di pone mi pia riba e mesa i leun atras. Pero mi no a haci esei, pasobra mi tabatin miedo cu lo mi haci esaki un customer i esaki lo spanta mi clientenan. Cu mi decision tabata bon pensa, bo por mira mes ora. Nan a bati na porta i un persona a drenta den e oficina. E tabata un homber, cu mi no a reconoce na primera vista. E tabata largu, tabata camna rechi i tabata netchi bisti.

Senior Applegate? el a puntra „Cu kende mi tin placer?”

„Mi nomber ta Gideon Weeks. De-laster tempo mi a mira bo diferente biaha na mi funcionnan. Semper bo tabata den compania di un mucha muher charmante.”

Es ora ei mi a reconoce naturalmente E tabata e homber cu tabata para na cabes di e grupo i cu tabata encarga di bende un sorto di remedio. Entre e bendemento ei e a haci tur sorto di truco. E tabata masha gñapo, tabatin pia di barba largu i un sonrisa cariniosa. Dia cu Maria a mire baha na tera el a hanta e impresion, cu el a mire un biaha anterior i awor cu e tabata sinta banda di mi, mi tambe a hanta diripiente e sentimiento cu mi ta tope algun caminda. E pensamento aki tabata haci mi in-trankil.

„Bo a bini asina tanto biaha na mi funcionnan?” el a bisa, „cu mi a informa un biaha, ta kende bo ta precisamente.” El a hari di henter su corazon i a bisa:

„I como mi mester di un abogado, mi ta bini naturalmente cerca bo.” Mi no tabata hanta esaki un reaccion logico, pero tabata di poco balor bisa algo di esaki.

„Cu kico mi por yuda bo, senior Weeks?”

„Mi tin e impresion,” el a bisa, „cu abogado nan ta acepta orden sin a pone un suma fijo prome. Nan ta laga e grandura depende di e resultado di e asunto. Mi kier meen, cu como recompensa nan ta pidi un parti di e suma, cu ta wordé paga como danjo perjuicio.”

„Sorto di reglanan asina tin berdaderamente,” mi a bisa.

„Lo bo kier a traha riba un base asina, senior Applegate?”

„Esei ta depende. Mi mester sa prome ta di kico e asunto ta trata i con grandi e chens ta, cu un suma lo wordé paga.”

„Naturalmente,” el a contesta. Un mucha homber chiki — ho conoce, e ta ayudante di nos hypnotisador — a ser di dal un di e caronan di Whitman. E chauffeur tabata fuma.”

„Ta bo familia e mucha ta?”

„No,” el a contesta. „E ta un huerfano i senior Manetti ta zorg pe.”

Senior Manetti tabata nan hypnotisador.

„Prome cu e por declara dilanti di un juez, nan mester busca persona cu ker encarge cu ne,” explicia.

„El a sacidi su cabes i a conta mi henter e cuenta di e desgracia i bise mi e nombernan di e hendenan, cu lo

tabata kier presenta como testigo. No tabata dificil pa gana e caso aki. Naturalmente lo mi tabata tin cu tende e testimonio prome asina cu mi por hanta un impresion di nan fiendad.”

„Con serio el a wordé herida?” mi a puntra.

„El a kibra man i pia, el a hanta algun corta i tin alg oca su wesu di lomba.”

„Exactamente,” mi a bisa. „Si mi investigacion di es asunto aki sali bon, lo mi kier a encarga mi cu e atencimento di e proceso. E honorario ta cincuenta procento di e danjo di perjuicio. Riba e riesgo cu mi ta core, esaki no ta di mas.”

„Ta bon,” el a bisa. „Si negoshi tabata bai bon pa nos, lo mi a paga bo na un otro manera. Pero cos ta dificil pa nos, senior Applegate. Tin hende cu a bai for di nos grupo ta solamente un sombra debil di loke e tabata un tempo. E homber fuerte cu nos tabatin a hanta irabao un otro caminda i suplanadon di glas riba un bon dia, e mehor bisa, riba un mal dia a desapare. E coro cu tabata consisti di cuater homber a tuma nan retiro. Tur e hendenan aki nos no a logra reemplaza ainda.”

„No tin mas hende cu a bai for di cerca bosonan?” mi a puntra i te ainda mi no sabi pakico mi a baci e pregunta ei.

„Si,” el a contesta. „Nos tabatin un tirado di cuater fantastico. E tabata tira cu cuater riba su asistente i esaki tabata canta cancion tambe.”

# MADAME y su abogado

Pa: Clarence Budington Kelland

Traduccion: E. S.

— No. 23 —

„Cinco florin,” mi a contesta „Cinco florin!” Hannum a bisa. „Pa e paar di minutu ei?” Mi ta paga dos cincuenta, esei ta suficiente!”

Mas friamente cu mi tabata por mi a bisa:

„Bo no ta paga mi pa mi scribi e palabranan aki.”

Bo ta paga mi, pasobra mi conoce e palabranan cu mester wordé usa. Mi precio ta cinco florin.”

Hannum a keda mira mi skerpi. Despues el a dal un gritu hari i mientras e tabata dal riba su pia e tabata gritu: „Jiu, mi ta duna bo mi compliment!”

Bo sa loke bo ta bai i bo no ta laga ningun hende tuma bo un cabes abao. Cu bo mi por regla asunto. Lo mi trece-mas trahao pa bo!”

Nan a sali for di e oficina i mi a hin-



COMO A TI TE GUSTA

E. F. DeBrot, Inc.



# CISCO KID

1. "Si ta e insignia di e sheriff?"  
2. "Ay, tin un hende ta bini?"  
3. "E vaquero ey tabata busca algo?"  
4. "No, e tabata preocupa mi mester a finge tur, loke mi tabata por pa e haya kita loi mi".



# JUAN EL INTREPIDO

1. "Mi n' ta comprende... nos tabata spera cu nan lo kita nos cahes afó, pero e tipo ey ta haci un reverencia... Keda keto Dany, laga e dokter papia". Mas despues, "E cos aki ta fantastico, nos cu a spera un delegacion di comisionan y dignatarios... lugar ta nan a tuma nos pa un...".  
2. "Bisnaga pa nan tres gas pa nos, pa nos por sigui".  
3. "Lo ta un ofensa pa nan... laga nos companianan... y ojala cu e verdadera delegacion no aparece".



# DICK TRACY

1. "Wel akinan ta e park di veteranonan, uds e circo di Boppo Brothers a perde e panter 3 anja pasa".  
2. "Tantem cu Lizz ta lesa e adresnan di e hokki di e cachor... pone punaise di coló den e mapa... y laga nos weyta un chemplo banda di e park di Veteranonan".  
3. "Tracy, mi a haya un bon idea".  
4. "Pakiko nos no ta pidi tur e donjonan di hokki di cachor pa nan bin tene un reunion aki nan en e Headquarters pa discuti e cos aki? bo por saca hopi afó".



# RIP KIRBY

1. "Ningun hende lo por a cruza e torrente aki sr... Lo no ta facil, Desmond".  
2. "Lo ta suficiente pa weyta cen e brug ey a worde destrui".  
3. "Nan mester a bandona e pueblo".  
4. "Kizas Desmond".



# EL PRECIO DEL TRIUNFO

1. "E mareo aki ta sokete, pero mi no por haci nada contra dje... mi ta bay baha Buck, solamente algun 5 metro mas, Saxon, ami no ta muf di aki".  
2. "E ora ey bo ta haya algun buraco jen bo cabez, mi amigo Buck, ami ta bay baha".  
3. "Nos ta baha sr. Carroll".  
4. "Ke ma la suerte... algun segundo mas... y...".



# EL DIARIO DE UNA VIDA

1. "Berdad, Rita, tu duel mi cu mi mester a emigrar a decepcion asina".  
2. "Lubida esey, Vassily, avó".



# PEPITA

1. "Min tin suficiente hamber pa mi come un di mi sandwich nan gigantenan".  
2. "Mi a traha un sandwich chikito di keshi di Limburg".  
3. "Min ta soporta e holo di keshi ey".



Gagarin ta melden su mes na desk di Hotel Curacao Intercontinental. Despues cu pa 7'or e tabatin un entrevista cu algun periodista, e heroe di espacio ruso a bai bisti flus di civil, cual el a cumpra na Corsow.

## Un mocion acepta pa senado Mericano

WASHINGTON 31 juli. — Senado Mericano cu 76 voto contra cero a acepta un mocion, den cual e ta expresa su mes na favor di ayuda mericano pa Tsjiang-Kai-Shek y senado ta declara ademas cu e ta keda contra adiccion di China comunista na Nacionnan Uni. Ni tampoco e senado kier tende algu di un reconocemento diplomático di China popular.

## Demonstracionnan politico na Buenos Aires

BUENOS AIRES 31 juli. — Dia huebs, un dia prome cu fecha riba cual ta conmemora morto di Eva Peron, esposa di ex-presidente Juan Peron cu actualmente ta bibe en exilio na Spanja, nan a tene demonstracionnan aki. Nan tabata marcha den eynan den direccion di sede di sindicato general. Den bicentenario di oficina di gobierno polis a stopnan y plama nan for di otro, sin cu tabatin ningun incidente. Tambe na ocasion dje conmemoracion di revolucion cubano tabatin demonstracion, tambe sin ningun incidente.

## Ministronan na EEG a bini na un acuerdo

GENEVE 31 juli. — Na fin di e deliberacionnan door di e ministernan di e asocacion Europeo pa comercio liber nan a duna un comunicado cu ta bisa cu e ministernan a yega na acuerdo cu otro cu diaduna a-nochi nan lo duna un participacion di e asocacion tocante e relacionnan cu mercado comun di Europa. Esaki lo socede despues cu minister president Ingles a duna un declaracion riba e mesun dia ey.

## Boycot contra Francia si situacion queda asina

CAIRO 31 juli. — Secretario di Liga Arabe actualmente ta preparando un nota a peticion di gobierno di Saeudi-Arabie. Den e nota aki un yamamento ta ser haci riba tur estado Arabe pa bowest Francia riba tereno politico y economia si agreccion frances contra Tunisia worde continua.

## Un proyecto di ley acepta na Washington

WASHINGTON 31 juli. — E comision pa defensa di camara di representantes unanimemente a aproba un proyecto di ley cu ta duna autorizacion pa compra armanan convencional y raket te na un suma di 958.570 dollar. Ademas nan a proba proyectonnan di ley cu ta duna e president autorizacion pa aumenta ehercito cu 217.000 homber y mobilisa un cuart million reservista. E medidanan aki ta forma di e programa cu president Kennedy diomars a splica den su discurso na radio y television. E comision pa defensa di senado ya diahuebs a aproba e medidanan.

## Eleccion di "Miss Internacional"

LONG BEACH 31 juli. — Miss Holland, Stanny van Bear, a keda eligi na Long Beach como "Miss Internacional". Despues di Stanny Bear a sigi miss Brasil, miss Espanja, miss Canada y miss Island.

## Discusion Frances-Algerino y Sahara

EVIAN 31 juli. — Segun ta ser acepta, durante e negociacion franco-Algerino, Francia a haci proposicionnan nobo pa cu Sahara, casi cuater ora largo Sahara tabata topico di conversacion. Esnan cu ta lucha den resistencia di Argelia ta existi e region aki, como parti integrante di territorio nacional.

## Situacion di Cardenal Canali la serio

VATIKANSTAD 31 juli. — E situacion di e cardenal Nicola Canali, cu hasta tempo calta ta mala, a bira peor. Kardinal Nicola, cu tin anja ta president di e comision di ciudad vaticano.

## Suplica contra peliger di comunismo

STANFORD 31 juli. — Senator William Fulbright, president di e comision pa relacion cu exterior di senado Mericano, a haci un peticion na paisnan di Europa west pa duna mas soberanidad cu e fin pa hinita actua contra e peliger di comunismo.



E trupanen britanico na Koeweit ta sigui penetra mas den territorio di frontera dje sheikdom cu Irak en relacion cu e amenazan di president Kassem. Riba e portret mas ariba nos ta mira com e paracaidistanan cu a bini di Cyprus ta sigui mas leu den e desierto di baranca di Koeweit.



ARIES  
21 Maart — 18 April



TAURUS  
20 April — 20 Mei



GEMINI  
21 Mei — 21 Juni




CANCER  
22 Juni — 22 Juli




LEO  
23 Juli — 23 Augustus




VIRGO  
24 Augustus — 23 September



LIBRA  
24 September — 23 October




SCORPIO  
24 October — 22 November




SAGITTARIUS  
23 November — 21 December




CAPRICORNIUS  
22 December — 20 Januari



PISCES  
20 Januari — 18 Februari



ACUARIUS  
19 Februari — 20 Maart



ARIES  
21 Maart — 18 April